

荷塘詩集

荷塘詩集卷十

涇陽張五典敍百

送李雲嶠

風袂翩翩首重迴
山船欸乃一聲開
雲披夢澤閒垂釣
雙鯉靈文好寄來

十五弟聚輝至

別來身八尺
僂指十年餘
此表寧虛有所憐
輕廢書郎思
釋之事意薄
少游車開卷
乘閒暇人誰議

術疎

疊韻送守坡公歸高密

隨風歸去麓臺東
喬木鄉鄰舊鄭公
雲壑筇枝尋窈窕
石林山徑闢玲瓏
有懷空喻膠投漆
取別真成燕送鴻
向後發言誰見賞
罷談拚作囁嚅翁

曉過陶庄

一林霜葉響蕭蕭
霞影輕紅散碧霄
破廟牆邊供老樹
急灘石上架欹橋
人烟僻地風長撲
山澤豐年土盡饒
戶有書聲村巷靜
負暄童叟看消搖

竹穎菴

疑剪雲栖一角來禪扃扣自綠陰開野烟輕散初
晴日山屐斜穿小徑苔生傍清湘隨處是名專淨
域有因哉道人笑指東軒下迸土春宵動法雷

答宜興儲上舍祝曾

古文無識者鐵筆準心爲卿法盡成法字奇如骨
奇名家推海內士氣本天資杜撰能宜衆孤行好
自持

周芝挺進士寄試帖并近作數種

雪天鴻影遠江邊拾得緘滕擘綵牋
老手從翻新曲令座師已值舊同年
性園少宰主戎戎試著書閉戶三千
牘補水沿村二頃田率領兒孫酌春酒
弟昆斑袖兩褊褌

贈李生觀泰

書閣長存七字中淳熙題自紫陽翁

瀏陽志載子朱子題李氏

遺經知君幾葉之雲耳插架牙籤有萬通

閉門攷誦有餘師前路還應過者知
要步康莊日

千里先憑老馬辨多岐

吳劍仙畫品

卓崇
仁人

雪紙古香書一通著者畫苑延陵翁四六駢儷說
六法精理秘訣相始終新裁獨出誰與偶廿四詩
品唐司空筆墨自然具士氣丹青俗豈江南工吾
聞學書不就劍可擊學畫難成塑爲功人也劍仙
兼畫史其品品之足上中

寄涇陽葛巽軒大尹

晨餘
杭人

游戲人間葛稚川見身爲令事仍仙攜將靈藥千
金種精於散作名花百里妍鄭白渠流通故道瀛

洲士子出新編

疏谷口渠興
瀛洲講院

長官重比霜空月茅

屋閒談續火邊

邑宰路公振飛冬夜徒步巡城至
北門僻巷聞婦女聲出自顏垣一

日門外好月明一日好比路官
人翌日訪知爲線氏母女語也

次朱子李氏遺經閣韻二首

生兒肯任作常兒
瀟灑書帷永晝垂
清課使知寒士苦
勞勞負笈遠尋師

屢世傳來數椽屋
聚書費盡一生心
子多各授專經得
欲笑裝分陸買金

寄東安賈五明府

構洛川人

紅梅樹大有僵枝手剪摧枯向綠幄加以滋培乘
暇日果然璀璨及花時今冬雪少應何似遠望情
牽爲問之琴譜翻來添幾訓輕郵並寄故人知

問津寺

雪溪一曲在山門竹樹森疎夾石垣課誦禪僧勤
稽首跏趺佛祖寂無言阿誰了了通名理況我昏
昏具鈍根薄暮層臺從倚望歸鴉幾點識前邨

贈劉上舍成佑

劉氏孿生好兄弟同游京雒一歸來深憐丙舍違

三載舊種青松有萬栽鼓枻閒從武陵口問詩遠

過太湖

山隈

憑將絮語知心事每羨乘風老萬回

與十九弟重絲論畫

爲數吾鄉賞鑑家平陽老守眼無花琅函高似臣

輝閣題字一般如畫沙

劉刺史儀恕琅函閣任運使璣臣輝閣並多收藏劉

氏鑑別尤審二公皆工書多有手跋在也

諸劉都有父風存三入詞垣好弟昆舟夜連床江

上雨清臞燈下對琴樽

平陽五子三與館選風雨聯床圖西谷鄴侯兩太史

寫自京口

詔許將軍解甲迴年高白盡舊于懸閒中斗覺身

強健匹馬山南射虎來

胡大都會宏茂有射虎圖

一枝渴筆草齋翁皴法粗疎遠勢工省識歸舟天

際下樹根人立向長風

梁時元號草齋長于山水載邑志外家有秋江曉望

橫幅蓋其晚年得意之筆也

壺山聲價重揚州尺幅千金不易求蘇禍鴻文白

渠記二王書格舊雙鈎

張中翰恂嘗寓維揚畫重一時人稱壺山而不名白

渠記出其手筆碑在

吾東關路公祠側

藉甚涇陽李念慈才名早歲動京師人留谷口

山房集畫入漁洋五字詩

王文簡題配膳進士畫有云君家涇水陽終南

在當面紫閣與皇

陂宛向圖中見

筆致劉郎本性真溪山雖淺淨無塵十年壁面藍

田叔從不空庭問主人

趙氏有藍瑛山水幃子劉同巷源獨往觀之日以為

常

過眼江千雪霽圖長嗟好景失難摹並教移得名

山去短棹寒溪影太孤

印周先生得右丞墨蹟於管西維氏為有力者奪去

屢形嘆息身後聞所藏宣和名山圖亦易主矣壁間山陰雪棹小幅張孝廉郊舊為臨寫者也

模糊愛仿米家山瘞筆題銘鬢已班淡赭輕青還

惜墨曉村

張孝廉天德別號

小景水雲間

長夏風憲四面開仿山亭子碧林隈

常丈維祺別號仿山主人

石床曬暎閒箱篋招客嘗茶看畫來

儲松巖爲家君寫毫耄圖賦謝

至友相關及吾老詩人善頌託丹青能將愛日知

私悃故爲含毫祝大齡論合珍藏重錦帙報之蘇

酒一銀瓶宜春帖子書新就好得齊張上彩屏

得宋賓門同門書兼聞衣菴夫子消息

本敬湘潭

解元任陽城與丙申卓薦胡衣菴師以冀寧觀察引病歸汝陽

前聞上考注陽城鑒朗遙憐晉水清自顧孤鴻離
舊隊有煩雙鯉寄深情文高鄉國傳凡例誼重交
游出悃誠汶口歸裝獨料理似君不負是門生

和淳書舍詩

并序

御製賜寒家詩有曰表宅寧關一家勸所希比戶
洽和淳先世父敬取二字懸榜書屋所以體
聖訓而申教於子弟也二十年來羣季肄習其中
怡怡無閒言已亥冬十九弟召佩至瀏陽官
舍住七旬餘無日不念及諸兄弟將西歸因

書一律

友恭堂

先曾祖贈公名之也

右讀書堂義取和淳本

賜章暫別已看深作念羈懷又送遠還鄉盟梳清
曉衣同桁風雨中宵被共牀華萼一編期早輯好
憑來鴈寄沅湘

戲贈周卜年

八十三翁夜會客茗戰三更再移席客不勝飲強
辭歸送之苔院曳雙屐立談大笑忽絕倒扶起白
袍染寒碧凌晨問訊窺紙窗脫袍就勢作松石

訓楊雲亭山長送別因簡余存吾劉書臺雲

房三翰林

握手江干作小留郵籤催去五溪舟卽時雲散麓

山曲經月榻懸瀏水頭

春初訂主
請瀏講院

我輩交情曷新

舊人生良會費圖謀談詩且宿城南約並借迴聲
到二劉

橘洲

千頭一掬取療貧此外蕭然老病身夫主休言空
宦橐兒曹定與卜芳鄰誤師蜀相栽桑意誰比荆

州問絹人最憫豪華諸貴介滿篋金盡負霜薪

明龍陽縣尉青公墓

諱文勝蜀人明世武中
邑述賦巨萬公爲蒲闕

請幣疏凡三上自經登聞鼓下得命使按
實獨免僕人以尸還葬於此邑志存疏稿

僅五十
一字耳

積逋無算逼流亡大吏沉吟怯上章一命拚將生

萬戶无棺合得葬桐鄉心憐遺疏零星在手撫殘

碑野水傍懸鼓登聞嘉肺石却懸尸諫悟高皇

善卷祠

隻絕在山上有虞高隱祠名原比巢許賢豈過臯

變攝屐登無服停橈望及之青青蘿薜影朝日動
風枝

朗江雜詩

三閭巷口水亭高競渡年年集萬艘日暮招魂過
枉渚竹枝幽怨衍離騷

縞素深憐大義聞

項羽弑義帝武陵人縞素而哭高祖聞而義之郡人竟

似漢三軍羽亡誰作吞聲哭料有生平一鄭君

毳幕韋韞天四垂雪山臺圯失殘基何人高築青
陵館合是騷壇爲賞詩

老矜矍鑠病摧鋒穿石炎荒有舊蹤身後平蠻歸
謁者陽山偏遣祀梁松

流水桃花失故溪鹿山休更覓丹梯分明妙境輕
拋棄漁獵人原自取迷

望闕凄然繫遠思東楹題字一行垂丹砂何有居
人井平仲泉甘無盡時

辰州詠古

高辛有弱息存信嫁槃瓠兒女六人偶滋生三載
踰計時都已渺徵史漫言無未著岐周號將軍早

姓吳

田強守故印臣莽豈人雄十子羣酋長三城一水
東於心知漢臘入島似家風料得尋常字無奇止
識忠

藉甚宜城馬最良推白眉渡瀘幾比績落鳳乃同
悲曾領安長綬號亭仆大旗東征不可制

馬良諫
先主不

納
孝直繫人思

廣殿沉香飾好容龍角冠溪州歸化速后土誓詞
殫器使資文武

李宏臯
劉勅

方隅得乂安家承新息法

銅柱亦難刊

熙寧章子厚夜築受降城經畧才堪用蠻夷患以
平奇功必已出陰忌乃心生富峽先招納張翹議
獨行

陽明講學地並祀薛文清良使真鹽鐵鴻儒薄利

名

御史薛瑄監鹽採礦奏免沅陵諸縣楚金到處
興學王守仁謫龍場過辰留月餘與士夫講

知嘗曰爲利爲名澄
濁雖分利心則一也杖藜投遠驛持斧到荒城小

西藏書盡微言與後生

張恩聶示項元汴畫竹

畫家畫竹舊稱難尤難一石一枝單天籟閣中數
點墨此君孤立風影寒我有橫卷爲傳神手蹟遺
自湘道人趙備紫密如入篴簹谷又疑千畝清渭濱
隨手縱橫自娟好用筆正不爭多少無由再質竹
垞翁髯聽吾言看絕倒

沅州詠古

上皇西內閉力士徙巫州一面辭誰許盈眶淚自
收生平合顯戮竄逐中陰謀薺菜蠻溪畔微吟寄
旅愁

樓址問芙蓉江行雨氣濃詩傳唐尉謫地隔楚山
重將母終遺恨還鄉竟違兒零陵子柳子文采並
留蹤

王達得國士立下澈州蠻族託靈蒲後金藏古洞
間危言攝驕倨僭號削茅菅銅鼓輸誠獻黔中制
節頒

曾聞彭士哲遁入獎州山攻以楚人炬降隨溪洞
蠻移封便地好歌凱大兵還恭順科徭免王言感

衆頑

見銅柱記

不世言 卷一
二
碧血賽江神宸濠禍守臣失機偏觸忌授命自成
仁骨化香流遠阡空酌競陳魯公仙去後無字寄
家人

東林滿太僕作令著風規稅闕摧驕氣秦人繫去
思園扉龜鶴兆讜論啟正時書室蓮花院鹽齏舊
在斯

示安奴

百丈徐行春晝妍風濤畢竟爲心牽孺人日課郎
君讀去就書聲認畫船

謝湯玉枚贈筆

昔我游錢唐筆工訪幾徧一叟得程洛居鄰智果

院疑是奕之裔

程奕宋人

所製頗稱善千管耗年深苦

覓難中選君家茗嘗間柔桑生青蘗食葉壓耳羊

毛潔如霜霰偶然戲剪梳縛以湖絲線嵌來最堅

牢溪邊芟竹箭大者供學竅細以備點竄各爲分

一床暴富覺豪擅勢挾風雨快眼看蛟螭纏比君

毛遂才處囊穎自見昨來汪少尹龍尾貽歛硯數

升磨礪麋縱橫誰辭勸毫禿宜粗皴取掃鷲溪絹

或與滌清泚金乳畫杭扇

書吳信翁集句瀟湘八景詩冊

都邑隨處分八景紛紛描畫題新詩一日見爲槃
珠璧虔州圖上說解頤豈知小米與宋廸瀟湘逼
真親見之若使僭耳北歸過湘表不信坡老詩仍
儼侗爲松花葬主性好古高臺走訪江之涓嘉祐
故蹟摧風雨銘換孤鶩同星移巖壑光景都無恙
登臨神與古人期眼前常語不當意好句還摘古
人詞猶如雅集限用柏梁體已往諸客吟魂俱攝

題畫與菊兒

畫理原能解終於六法疎閒從叅篆籀笑比注蟲
魚香几芸窗曉風簾竹屋虛憑看靜心眼共我舊
鈔書

贈吳上舍遴伯

落筆近天然君其以畫傳郊扉掩閒日古法仿終
年曠遠倪高士清蒼沈石旧覺誰真識賞留空
待詩篇

與葉二楓

解組囊如洗淹留爲夙逋齋錢來父老飛彈止
與二楓罷官後尚有中傷者石瘦江灘出天寒歲序徂春帆歸
夢穩夜雨到南湖

熊四表弟海觀至

如何倚門母遠道任孤征歲晚雪霜重家貧離別
輕襟期見蕭散談吐喜聰明手澤存行笥攜看共
短檠

讀外大父遺稿感賦

熊公諱法祖字少華後學盛永璵填

開卷喜還悲阿翁之所遺就中能省記從小許翻

披評跋有諸老鉛黃更幾時古香流斐几似倚舊
書帷

感憶傅二遜修

失友亦多矣念君長慨然夢驚魂易去恨結誄難
傳野水漂谿屋寒花繞墓田嬭門畧遣問生事逼
殘年

飲張悅亭同年官舍

招客獨遺我徑爲乘興來公然據高座無數倒深
盃月入虛簷樹風飄小檻梅重呼添檠燭嘶騎漫

相催

偶爲夏山驟雨圖系以絕句

山游曾到玉屏西
貌出灰堆望轉迷
畫格不勞君過擬
行書或似米顛題

得九弟臯蘭書

樹覆苔垣水滿渠
五泉山下客移居
攜兒團坐秋窻雨
梨棗堆盤課夜書

送鳳翔杜通守使昆明

泰南
昌人

秦關循吏推君最
楚水征帆爲我留
引坐月移青

薜榻對談茗盡白
羲廐賢勞從古有
奔走追遞東
裝齊葛裴菊酒天風五華頂
應誇奇絕是茲游

送杜共年從思南

舊令福清

呼嶸瘦貌髮飄蕭
作語糲糊齒半凋
逐客何期逢
杜位夜郎更遠過
龍標懸崖錦樹秋
霜染籠水蠻
烟午霽銷行李堆
船餘亂帙南臺隔
歲發江橋

羅遠人嶽麓紅樹圖

存理臨桂人

浙瀝秋聲大壑聞
閒將輕屐踏層雲
偶逢仙老談

終日

謂山長江西
熊浣青太史

敎法都成猶篆文

輸爾烟霞點筆收林臯亦自愛清幽載書憶借僧
房讀千樹烏桕谷口秋

寧鄉訪陳壽田官舍不值

湘表交游多樂事吾曹契分在清歡水軒度曲華

筵敞

庚子夏五潭州與龔七華
駿馬二在田連日酣飲

夜雪論文繡幕寒

戊戌臘月同在紀
秋槎觀察幕府

久飲招尋通笑語徑呼稚幼具

盤餐棹迴幽興須終愜閣外梅花約共看

觀友人海船圖

曾放鷺門畫鷁舟颼風吹泊大琉球迴帆臺陽及

晴曉赤墀城北登高樓下俯重洋一清鏡數點黑
子疑浮漚須臾潮擁入沙線巨舶銜尾停渡頭紅
佛桑花照蓼岸綠珊瑚樹圍沙洲憑欄兩眼眩不
定髣髴蜃市沿之罟絕境一失過十稔汗漫無能
續舊游脉脉遙情誰覺得烟濤許我從追求居然
萬里在尺咫屏山勢隘元丹邱要乞仙翁置竹葉
翻身跳上乘飛流平旦戲隨白鷗鳥閒夜釣垂明
月鉤

孫雪居臨趙仲穆圖米氏淮山一品石

生平愛石每畫石見此訝然疑假託竟體玲瓏極
幻巧世間安得神工鑿細字分明認題識漢陽述
古非創作舊物流傳寶晉齋雅也手撫恣槃礴淡
墨鈎取如篆文屏絕青綠謝丹雘縮本收來止尺
許凸凹無數藏邱壑游戲原自歸經營規仿何曾
受拘縛霉黥塵污繪欲裂就裏精光猶炳若研山
圖已隨飛烟空教好事惜零落誰與護持獨好在
縱有六丁不敢攫借臨五日當可就攜之鍵戶雄
湘閣舉頭衡嶽豁晴雲七十二峯森岿嶸

桃花源圖二首

王蓬心爲常德何曲誠太守寫

漁郎擢返太元天絕境祇

平聲

憑郡守傳爭料會心

千里在春山山外盡春烟

商邱宋氏藏趙伯駒畫桃源圖作一漁人捨舟

入洞口餘則

烟雲縹緲耳

當代詞人朱幼芝款門好爲索題詩老來籀篆尤

清古穀穀平看棗木碑

荷塘詩集卷十一

涇陽張五典敘百

武陵訪朱幼芝里居二首

好客只如舊所憐迎送難病須空禮數留與小盤

桓逸句吟苹老

謂黃華田

清茶淪建安猶疑琴閣上霽

雪坐憑欄

乙酉臘月
候官縣齋

海天牽別思近況喜從聞曲就飲三爵兒扶書八
分圃移源口樹簷宿鹿山雲江路熟來往停橈必

問君

青耶山伏波祠三十二韻

繪像滿南宮從遺矍鑠翁英聲留漢代私祭動蠻
中入望層臺迥穿雲曲磴通後生鄉孔邇下拜感
何窮器大成時晚炎興佐運鴻餘分占蜀隴長轂
聽靈鑿客識真王度名高跨海功南將平嶺嶠北
早定羌戎肯許金城限端令越律珂借籌山聚米
奠宇柱標銅白首仍慷慨朱方正蘊隆瘴江懸滾
滾石窟鑿控控力疾堅持久連呼困仰攻中郎傳

紫詔謁者授彤弓，裴革言猶在登壇。志未終臨鄉
張寇燄曉縣邁，妖烽猝遇施迎擊。辱黎失怨恫甲
兵聊小試，却攘已膚公。橫笛村巫奏芳椒，販估同
諸峰堆眼底。飛鳥拂林叢，位置雕床峻。鬚眉爽氣
充由來，天下士卓絕。萬夫雄問里，恂恂善邊疆。耿
耿忠齊詩，嗤末學錢鹵。苦羣蒙女著昭陽，化兒羞
畫虎。工犀珠舒貝錦，霧潦斷芎藭。心故知朱勃神
教歎呂种，避新甘晦跡。謫隗戾初衷，勲業歸前輩
遭逢幸薄躬，猗馴畊垺熟鯨息。島烟空序順，多韶

景裝輕稱短篷逍遙自歆憤吟嘯五溪風

點蒼石筆山歌

并叙

筆山長二寸六分高寸四分巖壑無數爲裴
筠岡上舍物席間示客熊勵亭郡丞浸以酒
其凹處愈皎澈居然深谷冰雪愛不釋手輒
許贈余奪之不得隨以端硯爲貺欲令相易
勵亭袖藏不復肯出聊爾走筆

溪州司馬有石癖午橋居士心如石談笑平移小
山去主人慷慨譁羣客窺我眼饒加四筵分與老

坑蕉葉白試墨便彷彿山記留待寫圖重刻畫岡
聯嶺複坡陀平古苔斑駁薜花碧晴旭照徹烟霧
空洞壑陰森殘雪積嵩華真形大段具蓬萊左股
何時拆欲比百丈磨崖字糾楷縮歸方寸冊海嶽
雲峯高突兀勵亭有此石余詩所謂一石皺瘦形玲瓏者也卽此足教爭
氣魄郡齋鬆几嵌螺鈿位置左右合雙璧停杯却
問傷廉不十千價鄙珊瑚格橫襟日坐當玉山河
者仇池矜護惜

寄題華州王志活園居四首

好鳥出春谷啼上門前柳不用費提攜雙柑酒一

斗

聞鶯館

月下送酒客酒渴起殘夜扳取如船藕心飛上太

華

醉月池

三折松下徑百本籬邊菊次第和陶詩同吟有同

叔

謂峭石吟菊徑

長卷讀屢過青熒燈焰小折竹茅簷外鳴雞霜樹

杪

映雪廳

彭園陟屺圖

時迎養至長沙

飛雲平遠目迴首戀高堂胡不安環堵人生志四方
行依杲之幕分占伯符庄謂王業並借輕輿去
花間酒一觴

蘇橋卜築圖王蓬心爲紀秋槎觀察寫

昔我游宋州遶郭問西陂初到似屢經熟習諸老
詩紀侯仕漢上鄉園繫夢思編禮遙領地規以營
茅茨國恩崇其官任重難顧私乞得輞川筆欲
疑空爾爲君子秉素心出處理莫移翛然無所與
澄淡是夙期舊登伯牙臺新看北海碑孤筇兩輕

展僚吏未遣知偶許雲霞侶屬和白雪辭更請本
經術猷爲副良時懸車待成功引去未云遲卷帙
挿連屋花藥栽滿籬門徑通略約楊柳鬱參差某
邱與某水弋釣恣娛嬉九十九淀間安車施巾帷
頭銜奉朝請歲時賀玉墀當如魚麥堂

御題墨淋漓

龍津橋成

并引

沅州城南跨江爲木橋路通黔滇燬久矣余
修之視舊製有加高三丈長五十餘丈濶四

丈覆以瓦屋置守橋者兩戶云

穩放舲船撥畫橈荆揚天永水程遙回頭記取分明數三楚西南第一橋

六朝松歌

麓山盤磴穿杉楓層層竹木圍花宮白鶴泉邊老
松樹中天拖尾垂蒼龍鬣髯森張勢掀舞鱗甲攢
簇文玲瓏珠顆粲粲抱晴旭濤音颯颯含江風老
僧拄杖爲指畫古時雙幹離兩弓元冬驚飈逐雪
霰盪摩角鬬爭長雄顛仆流響徹幽壑崢嶸獨立

排高空我聞莊嚴有二寺游屐歷數唐人踪虛殿
歸然並可料劫塵變幻誰能窮試看櫺龕積苔蘚
佛身蝸涎蛛網封僧乎有心復舊觀檀越奔赴湘
西東此松曾見全盛日會教重占金碧叢飛凡作
碑招北海橫根巨石供磨礪

白鶴泉

碧湘門外白沙水負擔入城婁人子汲江往往亂
僞真土俗狡獪祇如此流泉接竹曲通厨盞飯淘
沙充一盂欲語僧難日往遺多防不置南山符

賈爾肯同年撫琴照

先生日學道靜寄在徽絃石塢秋溪外蒲團古木
邊墮巢供煮茗淺漲足通船許我閒相就無言坐
嗒然

送袁松臯同年秩滿入覲移任蘄水二首

純德太和人

政書三考謁

楓宸在楚聲歌似在秦

初治米脂繼任祁陽

京洛故人須土物浯溪搨本墨光新

江上離觴醉碧筍便看帆影入遙空鉅公

謂姚雪門廉使

不假臨岐贈信及傳家扇底風

贈李丹山

鳳別號問學人涇縣諸生

李生問學人書體沂魚鳥紙墨易消失寄心鐵筆
矯行篋何所有碑礪玉瑪瑙紐系各殊狀羊馬龜
螭麋座客談笑間作篆本腹藁短長極參差結構
無纖巧往昔遊上都雙石分禪老介庵上人用久刊欲
盡漫漶仍藏寶譬諸鴻踏沙風掠餘半爪試教重
剔搜補綴得完好妙絕覆蕉手匪彼志里表嶽麓
伯禹碑嶧山東土棗相約向岫巒齊糧事幽討璽

楮覓千枚松烟經萬擣引路逢馴猿崢嶸出林杪

次韻爲王志漸題寒林圖

少華山根蓮勺邊知君長憶放鄉天試呼畫手憑
爲爾坐覺清風便灑然極目遙情終未畢遠心隨
地盡成偏借來雲壑寒朱夏午失齋牕一枕眠

答羅浣雲

尚嶠寧都人令新化

君文逼三魏檢束覺余疎步履來何數挑燈夜欲
除月枝禽拍拍風牖竹舒舒未盡幽談興鈔應付
小胥

懷人詩十二首

周晴嵐孝廉

澗海寧人別於臺灣嗣入都將訪余太原間解組遂南歸

屢游杭州幕府輒辭法湘表多浙中士夫數問無面識者

行笈藏君海上詩和將盡卷贈臨岐人傳被酒游
燕市興阻看碑向晉祠三徑荒蕪跡作計十離觸
忤嬾通辭老來蹤跡誰從識肯受山靈一字移

陳映千司訓

焯烏程人近寄湘管聯吟第二刻至

水村次第寫新圖題句料量定滿厨之子後來矜
格調奇蹤笑欲散江湖緣坡寂歷重茅屋盡日酣

呼數酒徒爲奇相思分法供梅花菴主墨模糊

吳信辰太守

鎮狄道人自沅州罷歸云將服餌作遠遊計逆回蘇冊三

爲寇間率鄉勇守埤者兼旬

遺得瀟湘集句詩流傳唱徧郢中兒論年亦合還
初服仗義猶聞挈大旗婚嫁卽今應畢事刀圭何
日竟忘饑果教揮扇能飛渡問舊先從楚水湄

羅中舉太守

宏漳公安人臨安爲婦翁總戎吳公萬年舊領鎮地

鄉賢文格近熊劉篋底深藏肯漫投見說名卿真
識賞謂王蘭圃學使已教多士爲傳流春郊雨過蠻天外

閒戍耕連洱海頭遺蹟廣平憑作傳
韜鈴一本額川侯

黃蘊采同年

孝樸溧陽人

不見生平黃叔度湖波千里接湘沅
曉來思爲傳魚素瀨上人原住水村
豐果汲茶冰椀淨寒花灑露膽瓶繁
臨牕試檢題襟句把誦依然作欸言

官守坡郡丞

去矜高密人

歸休更號信天翁瘦骨高撐鶴故同
老去息心誰角逐病餘顧影白毵毵
青衫色褪嗟無副白雪吟

孤聽未終昨到江頭相送處記扶殘醉上烏篷

曠岫樓太史

敏本衡山人時游山左

麓山山月向人圓移坐叢蕉峭石邊奇字問來能
定字濯仙識得亦頑仙臘殘遠棹三江雪嶽頂憑
看九點烟試數古來誰比並青原講學湛甘泉

荆健行郡丞

道乾臨晉人由善化遷寧夏舍弟凝撫客臯蘭爲附書

每過飼鶴調琴地

別開飼鶴調琴地自有光風霽月天吾友彭雲軒司馬題聯也

挽坐層軒笑口開香篆燈花通絮語藕絲荀脯侑
螺盃打水待酌三渠水停楫留題八景臺記取五

泉山下路寓園蓬戶一敲推

家衡玉監司

鈞西鄉人任貴東去夏母恭人歿

古州江路下巫州卧病黔南又過秋柴瘠好教調
藥餌慈靈應早望松楸千重雲壘衰斜棧一綫烟
寒汚漢流羈宦星沙驚暮節東芻若爲致歸舟

葉湘佩郡丞

蘭榆林人於余爲同庚同年友由中書山佐安慶近聞攝

寧國
郡事

從君燕邸醉紫礪濃點粗紵尺幅間此日携來北
樓上對看何似敬亭山研材品略鶚之眼墨笏囊

裁豹子斑試數流年各著草端爲老友寄江關

羅遠人布衣

存理臨桂人
工畫并篆刻

畫師不必苦耽吟自有詩人一片心
簑笠漁舟殘雪岸屐筇山徑晚楓林
禿毫點拂天機到古法微搜士氣深
最憶僧寮移棐几晴攤印譜酒同斟

廣麓上人

庚子春見於長
沙旋歸江寧

破門大草挂東壁對客臨摹呵硯冰
乍見征鴻起湘浦便携拄杖過鍾陵
別來藏弄一叅偈昨夜郡齋重別燈
裝潢會須憑好手故人已贈鶴紋綾

書蓬心太守雜詩畫卷

閒憑松石見風標象外還成立雪蕉題識離奇私
印疊許誰補字上生綃

太原舊譜輞川人自號漁洋別有因

蓬心嘗任宜昌郡漁洋丞

便得相從問詩格可堪容冶說風神

木天禁語右丞詩典重深

觀學者不察失於容冶近有愛余者
謂詩須於新城派做工夫故及之

過蔡布衣興組

江寺松陰雪擁門曉煙如織凍雲屯
乾皴樹石霜
綠滑破硯烘呵蔡墨村

太白扶醉圖

誰起謫仙之酒樓壁間合寫舊風流高將軍輩憑
軀使供奉班中作戲游勝侶金龜爲留珮殘春紫
綺尚披裘畫師妙解如一作通吾意不與丹元問所
收

送楊璞存歸寧都

茶州刺史壽而康松徑秣田都未荒大男持家諸
季讀殘書收取舊懷麓夜來看月醉楠廬招人五
老夢中影金精一十二峯春繞屋花穠村巷靜

安南國使阮瑋見余詩冊於管領平樂郡司
馬朱節軒處輒乞之司馬靳弗予可稱得

體因簡二首

聚書萬卷自披吟漫體流傳也賞音好爲收藏歸
篋衍詩名無意播雞林

琴囊剪取舊弓衣沙噴蛟龍萬里飛 文教於今
漸屬國外交臣自慎幾微

漢雙魚洗歌

并叙

友人陳珠泉得舊銅雙魚洗於潭州携以示

余因考虞荔鼎錄章武三年作鼎與魯王文
曰富貴昌宜侯王非洗也珠泉稱近時張文
魚金石契錄政和初饒州得雙魚洗一銘六
字與魯王鼎合謂當年鑄鼎旣著斯銘凡他
器物亦悉以銘之審定爲蜀漢物并道文魚
好古不妄乞作歌適家竹泉至笑曰又賦黃
州赤壁矣時乾隆癸卯仲春六日也

蜀吳約界湘西東金石舊物遺舊封來水雙碣相
臣蹟制器歷劫沙塵中滄江月夜吐光怪望氣恍

惚汾陰同老漁涸沒直到底手觸鏗然疑拂鐘撇
波擎出比槃大周遭色雜青綠紅何者雲雷莽綠
繞目不丁識看成蟲就裏凸文愛雙鯉貯酒瓦盆
便聲並充陳髯買魚隨致得虞氏殘書藏厥胸誇
張巧餌假賤直古錄試余志幾通爲寫篆楷十二
字擘掌示中撫掌哄是耶非耶閱魏晉三分感歎
爭蛟龍長沙零桂互得失韓元郝普更平聲始終鼓
鐔鐸飢弩戈戟一般漂散菰蘆叢至竟褻瓊波土
載不獨飛艚搖阿蒙魯藩賢何如北地珊瑚寶玦

知誰逢禁庭分賜昭傳守率族齋璽殊匆匆栢檣
白屋存雲耳那堪玉几金牀空好憑年號粵稽漢
章武休論柏梁臺上拆取承露之赤銅

與王秋丞孝廉

士華華州人

少壯結吟伴青門舊酒鱸比來成邂逅各已染髭
鬚分自膠投漆台空米擲珠玉堂說嚴麗似許入

懸壺

精合餌

王蓬心同年瀟湘詩畫冊

江上屢登八景臺心摹清景嗟吾才零陵老守醉

濡筆趁意揮寫頃時畢字有畫法詩無藁四座動
色舌俱擣傳看爭是謠風神要知大樸乃真巧又

一村中杉竹青會稽行草留深庭

梁階平可農
舊書八景詩惜

無仙郎宋復古重補畫圖張素屏邇來上公繼高

唱

謂制府長
白舒尚書

宣紙收藏徑三丈諸客展對縮好手

解衣潑墨任豪放便合就此作粉本山勢雲光拓

更遠安排強韻和歌詞共倚沉酣舞偃蹇

送紀秋槎觀察歸文安

卜築蘇橋計已成版輿歸路看花行斜陽渡口攀

龍標山下宿夜夜讀書聲君自層軒上彈琴坐月
明從知傳洛學好爲接諸生遙領慚吾舊芳洲繞
向城

余以壬寅秋兼攝此邑誌
載龍洲爲人文之祥云

次答幼芝二首

期君以頤養後會未應難瘦鶴孤松倚雌鯢止水
桓棲遲從地異邦濶亦心安芝朮種春雨分畦傍
藥欄

綿綿思遠道消息可相聞誰得鷓鴣蛋比今無出處
分荆門天幕樹秦嶺水穿雲好奇新詩卷編排付

長君亦垞
明經

別家潔亭叅軍
玉輝粵東人

通譜亦世俗與君交見心詠諧輕勢分遂密戢規

箴家望羅浮近耕歸谷口深燕臺期會合
相約乙巳訪余

日酣酒和秋吟

王千波贈畫冊

好詩因好畫堆篋復堆床借看憑消遣分貽出所

望沄沄春水綠鬱鬱楚山蒼心要識歸舸晴虹貫

月光

別陳珠泉

江上住閒客，惟君朝暮來。
文談長水訣，心識季方才。
旅雁依沙軟，凝雲逐凍開。
留連還挹袂，津鼓漫相催。

李東川

樹穀

陳仰山

玉垣

林醇叔

崑瓊

家竹

泉

範

雪樵

季廉

五明府送別次韻作答

游楚同看作楚材，衝寒惜我櫂舟迴。
誰言後會渾無準，試數初交詎有媒。
蹤跡五君新入詠，招携八景舊登臺。
東風煙草秦關綠，湘雁成行歲歲來。

歲除攜菊男過嶽麓暮入行舟成詩六首

籃輿扶上碧峰巔手酌松陰白鶴泉望斷飛雲無
倚著持齋除日禮金仙

年來我亦判潭州精鐵經文定可鏤祇平聲是隴西

存永慕隔江塔影樹梢頭

鐵佛寺塔鐵柱鑿梵偈宋潭州判官李思明資

所生真福也

認得飛鴻閣裏人紺瞳老納覺情親倍憐犀角重

摩頂讀徧藏書語味醇

閣在瀏陽智長老來自石霜寺與予相識撫菊男曰

家多藏書郎君讀徧犀角華簪老眼及見

學橋名自擅分書老傍碑亭作寄居

江西熊浣青太史舊主講

席報書有云大禹碑前喜得奇跡

三日布瓊真有願好憑搨本看

蟲魚

余於方丈爲諸道人作字菊男陟嶺看碑促之至再乃返智長老以舊藏潭帖與之

講舍鱗差萬瓦開層階高接道鄉臺後生領取清

脩意風雨鴻臚種竹來

羅徽五山長手移大竹數十竿

逶迤江郭淡烟橫燈影檣竿數點明第一水程隨

歷日來朝便合載書聲

君山

洞庭春漲到來遲步履寒汀路半欹
涵鬢芙蓉倒

青碧懸壺宮觀鬱參差僧寮撥火供清茗雲壑披
榛讀斷碑免誚愛山心未至凌濤並擬跨桃枝

朗吟亭

來和咸池舊樂聲翛然劍佩御風輕道人何不空
文字半是航吟半紀行

岳州李硯畬太守招同孫司馬潘王別駕鍾

旦孫尹之岸小集

使君清嘯倚層樓笑起湖風駐客舟人日未堪輕
作別郡僚好是舊同遊吹簫從覺陪安道壁間讀
楊退士

年丈詩於硯
泥飲仍傳向子由
硯俞有弟爲
涇陽副尹
去望

洞庭春月滿
權歌紫綺正披裘

寄孫樸亭臨湘

歸心不可繫
曉霽片帆輕
裴隱宅邊路
魚梁山外城
携筇經歲約
懸榻故人情
北海昨招客
人月集
李岳洲

郡齋深談酒共傾

漢陽送王秋丞公車卽寄蘭圃比部

黃鵠磯頭日日風
遲君祇見過湘鴻
伯牙臺畔偶
曳屐意外携手穿林叢
幾番疑鼓喬口柂
燕郊官

柳連渚宮村量分明宿約在茶淪鳳髓殮調羹從
知後期固有以聯床湖尾聽雨篷昆明使節迴萬
里迎 鑿駕舸馳江東謂我片帆溯沔漢湮波尺

咫無由逢却憶驛館霜月夜擘柑傾倒玻璃鍾庚子

冬北江送蘭圃往視滇學語及阿連惜久別今來始得開心胸

人生會合關定數骨月都與交朋通但使金石存

肝肺憑教萍葉飄客蹤入洛且致相思字高文舊

枉酬詩筒蘭圃自滇以刻文見寄氣勢熊劉追賈董格法宏

正祛天崇披讀已抵論當面爾我見地渾相同近

臣歸立螭坳上肩隨搖颿趨銅龍書劔俶裝問耶
舍明年秋色滿河潼

贈洪午塘太守

襄陽雪髯守耆舊便同看畫帳微風入繩床亂帙
攤接談移晷影隨意具春盤主客都忘却行舟繫
碧灘

黃穆園總戎以詩招赴南陽依韻奉答

通門復條友略分並忘形湘雁穿雲去春鶯側耳
聽日邊承 紫詔閣上綴金鈴爲迂西歸客聯床

掃射廳

家松園郡守蕉叢聚石小照

如此鬚眉充浩氣偏看蕭散作微吟
閒憑白石蒼苔趣偶息乘風破浪心
縱目杜陵存舊詠傳家趙
帆抱清琴三山郡舍相携處記得紅蕉雪徑深

慶伯秀才姪偕菊男往隆中次前韵

白水原通漢水潯琅琅梁父一龍吟
古賢已舉英雄事汝輩惟叅淡泊心
拜向碧階應拂草步循素壁倘聞琴
暮歸徧誦碑間字識解憑將看淺深

華州郭汾陽祠

廿四中書書上考大唐爵級爲元功家翁指與癡
聾訣信及臣心帝者風

牙帳春溫鎮節雄誰憑故壘變霜風棘門灞上軍
兒戲從古恩威一令公

宋寇忠愍祠十六韻

萊公多舊蹟故里有事祠客歷蠻邦路心存異代
悲樓居營道郭井飲朗江湄拜勅衫憑借留題闕
繫思竹枯生淚雨栢古飽榮滋未經調鼎鼐先不

擾符移雷陽差更遠鎮撫譯相詒會食勞鬢拂探
囊枉劔隨大事推能斷平刑論獨持去殘依策畫
建嗣動京師澶淵應特筆鎖鑰具深辭子孟疎於
學乖厓副所期辯爭知秉直進取戒懷欺誰襲雷
鳴息羣吟魏野詩天書原不信母教永無遺酌取
西溪水尋看御篆碑